

glia zeneral, et expedirasse in pena l'impresa, con la celerità che tutti de li desiderano. *Item*, esser fuziti do turchi dil castello, uno janizaro e l'altro asapo; el riporto par per letere di provedadori di campo, a l'horo drizate, li quali turchi sono in le man dil capetanio yspano, e li ha fato bona ciera e vestidi. Et, a di 18, alcuni spagnoli, senza saputa del suo capetanio, se apresentationo a le mure del castello, mezi desarmati, et feceno un pocho de scharamuza, e messeno una bandiera sopra le mure, e, inteso questo, el suo capetanio subito montò a cavallo, et hebbe grandissima fatica a farli retrar, dicendo non vollen che se proseguisse dar la bataglia, per non esser l'hora ni tempo congruo a far questo effecto; et alcuni de essi spagnoli forono feriti da freze; et dito capetanio voleva *omnino* far impichar quelli capi, che forono causa de far simile arsalto, se non fusseno stà li proveditori nostri che li domandono de gratia; et che quelli spagnoli erano tanto desiderosi di darli la bataglia, che li pareano un zorno un anno; *unde*, subito sarà conzo il tempo, se darà la bataglia. Aricorda se li mandi danari, polvere e biscoto e monition, come scrisse ne la poliza, per aver gram bisogno dil tutto; e per bisogno de bischoto ne à comprato alcuni miera da quelle nave yspane, che, se non fosse stà questo, el campo haveria *supra modum* patito. Li tempi è pluviosi e fortuneveli, che non pò andar ni vegnir alcun navilio; et ancora la galia Loredana, mandò al principio dil mexe a Corfù per munition e pam, non è zonta, che patisseno assai, ancor che 'l biscoto porterà sarà pocho a tanta armada. Et se non fusse stà certo formento ha retenuti, era de alcuni da Trane, haria facto molto mal, che pur com quello le zurme hanno scorsso e scoreno; e quel bischoto comprò, mandò su al campo per tenirlo più ubertosio. *Alia non sunt.*

*Di sier Hironimo Contarini e sier Jacomo Venier, provedadori, data in campo, a di 17 novembro, hore tre de di, drizata al capetanio zeneral.* Chome eri sera, zercha hore tre di nocte, ussite un turchi di la terra, el qual è janizaro, homo de età de zercha anni 37, monstra qualche praticha, come da sier Cabriel Soranzo li sarà referito. Prima, dice l'armata turchescha, al passar de li, cambiò li homeni dil castello, e solo lassò homeni 60 de l'anno passato, e lassò *etiam* assaphi de la Natolia 400 con quelli; di li qual 400, 30 scampò avanti l'armata nostra venisse de li, et zercha 70, tra feridi e morti in questa bataglia; et dice esser dentro boche 30, inutile, tra femene e puti; e havea zercha cavali 34, e che i ne havea manzato zercha 14 con

biscoto et aqua, e con quello viveano, dapoi nostri comenzò a expugnar ditto locho, el qual biscoto li lassò la soa armada. De la fortification che i fanno de la terra, dice l'horo havea fato alcune chave de dentro, per insecontrar le nostre, aziò scontrando al muro non ruinasse, e che i nonudevano star pezo a legnami, et che, per haverne da far repari, i haveano devastate molte case derocha', e manchano *prae-* 470 *cipue* de homeni che sapino con industria afatigarsi in far repari et chave, e tutto quello achade a una terra expugnata. De artiglierie hanno una passavolante con do altre bombarde mediocre, con tre bombardieri, con barilli 50 de polvere, quale non pole no exercitar, per non haver el locho dove operarle, per esser le defese ruinate. *Item*, che de tutti li homeni, che sono de dentro, che seria 300, 150 di l'horo, che più non vi sono dentro di electi, haveano deliberato a meza nocte arsaltar el campo da la banda del spiron, et che, visto che questo era ussido, se hanno remosso de opinion. Domandado dove era el fondamento de non se dar, come era intention del subassi et chadi, dice che el capo di asaphi è stà causa non se habi dato. Et dimandato con che fundamento i hanno opinion mantegnirse, dice che se vedeno persi, et che stanno con la fantasia de hora un anno; che spesso se searamuzava, nè mai li fu bataglia ordinada; che se fino in quella volta li fusse stà dà bataglia ordinada, si aria abuto la terra; et che se li darano hora bataglia zeneral, l'haverano, per esser le mure et difese ruinate, et esser in gran spavento. Domandato che parte de la terra è più debile, e qual reputa più forte, dice da la parte del spiron esser la più debila; e, visto che se ha comenzato a ruinar quel spiron con le artilarie, heri sera i rasonava voler far un fosso, et butar el terem dal suo ladi, per farsi più forti; non sa se l'hano fato; et la parte più forte de la terra, che i fa opinion sia la parte davanti, de levante, per rispetto de la cisterna. Conclude, più presto si pol se li dia la bataglia zeneral, e che i non porano resister. Et a zercha hore 8 di nocte, ussì un altro turchi fuori, è asapo de l'altr' ano; el qual, examinato, conferma *ad verbum, ut supra*; *unde* nostri cerchava dal ladi del spiron far *etc.*, e saranno col capetanio, perchè il tempo li chaza, e pan e vim li manca, non è si non per quel zorno. Dimanda si provedi carbon polvere, piere, fil di ballestre, veretoni pizoli, e, sopra tutto, pan et carta.

*Da Corphù, di sier Piero Liom, baylo et capetanio, sier Alvoise Venier, provedador e consieri, di 24 ditto.* Eri sera, a meza note, ricevete nostre le-